

泰州鄉土志

泰州地理

總理學務憲代表奏編書局編成鄉土志例目附片
再據編書局監督翰林院候補侍讀學士黃紹箕
咨稱查初等小學章程歷史與地格致三科均就鄉土
編課用意至為精善謹遵照定章編成例目擬懇
奏請

飭下各省督撫發交各府廳州縣擇士紳中博學能文者按
日考查依例采錄地近則易詳事分則易舉自奉文日
始限一年成書由地方官選將清本郵寄京師編書局一
面錄副詳報本省督撫庶免轉折遲延并令各省地方官
先將本省通志及府廳州縣志郵寄編書局以資參攷各
處鄉土志輯稿送到由局員刪潤劃一呈請學務大臣審定

通行各省小學堂授課中等因臣等審核各節均為編輯課本
力求翔實起見除分咨外謹附片具陳伏乞

聖鑒謹

奏

光緒三十一年四月初六日具奏本日奉

旨知道了欽此

嗟乎賤近而貴遠避難而就易其人情乎彼夫遊騁學界者往往馳域外
觀而於鄉里情狀則茫乎其不講其牽負俗累賦於鄉里者則又窘
於遊歷窮於探討不能出其鄉之情實而引以為憾也今日出版此書
汗牛充棟求其鄉之紀載則美善之書豈吾國人桑梓間絕無
可紀者乎抑也亞洲之土中國為大崑崙之東大海之西其山川物產不
可殫紀也中國之東南江蘇浙富其海兩藩滿江淮兩流衍其山川物
產不可殫紀也顧未聞有博雅之士躬歷四方宣其輿而記其實也非
獨賤近而貴遠也抑亦避難而就易也山川有圖土地有表林虞有官
學校有報告生齒有稽歲出入有籍凡外國所產之日北吾國或
或秘之如款也中國其難十倍於他國泰東西之士遊吾國者踵相接日
光之炯八地第十人吾國人願惜焉不識鄉土之情狀拱手以交他人

之後制吁可也己泰西之為生徒也始於鄉土學自鄉及邑自邑及
老學士大夫未有不識鄉土之情狀而可稱通博者如日鄉
土之學最重亦最難自學却須發鄉土志程式令省府州縣各自編
輯於是諳鄉土學者乃銷出鄙人亦居最育界而平居所讀
授書得之十之十以首增補訂正之本不敢臨歎近畏難之謂鄉
先生苟引而後其其其其之出而勉其所求至則鄙人之幸
已

光緒三十三年丁未暑辰日東侯氏自敘於方洲公廨

秦州鄉土志例言

(一)是編謹遵京師編書局鄉土志例目排次而麻史科增兵士者紀新政也地理科增航路郵政電報者紀交通也增田賦者紀財政也增麵厥者紀商務也

(一)是編本於志書并博采舊聞載籍及新事附益之間出己意參以論議若徒事鋪敘則有該州志在

(一)地理科水陸路程間有里數與州志及方輿紀要不合者从人行道以紀實也

(一)教授此三科均取材於鄉土者欲使兒童得直觀之知識也課餘之暇為旅行的教育導之直接觀察是即天然畫本故編中不全插圖以節勞費

(一)是編專為初等小學之用其高等科學生未及授此課者亦必補習故詳而不冗簡而不畧間以行文之法俾初學作國文讀可也

(一)是編成於丁未暑假兩旬脫稿匆促之間不免謬奪大雅君子於其所未合者而更訂之於其所未及者而補苴之是鄙人之所拭目以俟之者也

東侯氏識

泰州鄉土地理

地理教授法

地理學之動機。起於遠古。然以之并入學校課程中。則自哥美紐氏生一五九二年卒於一六七一年乃奧國摩始氏所著之地理教育法。首倡從實物上觀察之說。凡拉維亞之改良教育家。目前所見之山河陵谷土田行潦及市町村區。皆當隨事指點。使之領解。所謂直觀的地理入門法。此鄉土學精神初立之元祖也。至法國大哲學家盧梭氏主張斯說。其所著之教育論。名愛密爾。謂兒童之住所及屋舍。乃教授地理之起點也。其近旁之河流及太陽之位置方角。即地理教授方法之所在也。奉盧梭氏之主義者。其統系謂之博愛派。此一派恒就目前之土地。指授兒童。漸而及乎遠方之土地。以實地檢驗。為教育進步之程。此一派之功。殊不可沒也。其要點有三。

(一) 注重自然地

(二) 注重實地觀察

泰州鄉土地理

(三) 令兒童習繪地圖。博以旨趣。巧為引導之。

如以黏土模型及細沙。發地量作形勢之類。

三者教授之次序。先以本校地圖為主點。舉亭園校舍教室。以明日月方位。及晝夜四時之淺理。又舉本校四周之河流山谷。及動植物產之配布。交通之梗概。其間有非校外近旁所能指點者。則宜於課餘率學生為郊外之教育。所謂旅行的教授法也。蓋教室內能領解之事。若經實地觀察一番。其得益必更有進矣。雖旅行半帶遊戲性質。不能作為詳細課程。然以直接之經驗。摘要而筆記之。是尤課程中之最善本也。

秦州鄉土地理

兩等學堂教員馬錫純編輯

鄉土釋義

脚踏者為地 地面上一小部分 為吾等最愛之中國 中國一小部分 為吾等現居之鄉土 注 吾等鄉土即秦州是

地形

地面之凸者為山陵 若校外之岳墩是也 地面之凹者為川澤 若校外之新河是也 注 岳墩即秦山新河自先考寺東流入北水關

空氣

地面上有蒙氣 即空氣也 天之青 是為空氣之色 揮扇時 覺有涼風拂面 是為空氣之流行 注 空氣最有益於人善衛生者居室必多開窗牖且朝夕游空氣之地吸受空氣則身體強健少病

物產

秦州鄉土地理

二

秦地素重農業 城內東西兩原 種蔬與麥菽 土質鹹多榆樹 近始栽桑 注 昔秦地濱海土多鹽質少樹木自宋劉善明為海陵太守課人種榆遂獲大利

位置

州境位置 居揚子江之左 偏東北隅 西南距江甯省城四百里 西距揚州府一百二十里 每里一百八十七

州界

本州界線 東距如皋境一百二十九里 南距秦興境四十五里 西距江都之斗門三十里 此三面皆高阜之地 沿運河一帶 最稱沃壤 注 陳應芳曰東西南三面故稱高阜者其中唯鹽河一帶足稱沃壤可稱自兩岸入內則高阜無水不可禾再內則仰瓦而下不三里盡下河矣

續前

州境之北界興化 至凌亭閣七十二里到縣百八里 東北至東臺武
 卞庄四十里到縣一百二十里 西北至高郵州一百五十里 此三面均屬
 下河 形如釜底 易遭水患

續前

注 下河接興化縣而往若高郵若寶應若鹽城東漸於海西瀆於湖千里之內
 往來者止憑舟楫之勞無索挽之路是概謂裏下河稱沃壤以水利興也

揚通之間 如皋屬上河 興化屬下河 未有若泰州東南
 高而西北下 兼有上下河者 疆域之廣袤 南北相距一
 百里 東西相距一百五十里


注 泰州故設東西兩壩壩以南為上河壩以北為下河上河自運鹽河而來下河接興
 化縣而往形勢高下不啻樓之於地下也壩以界之特以防上河水使不下洩耳
 廣袤里數與州志所載廣一百六十里袤一百十七里微異今從測量數

州城

泰州羅城起自南唐 州志營於後周 更築城 今城是也

泰州鄉土地理

三



城濠

歷宋元明六七百年 至乾隆間
 王鎬始行重修 其門樓四座
 東曰海甯 西曰阜通 南曰迎
 恩 北曰臨淮

注 南唐昇元元年築羅城二十五里周顯德五年詔州刺史
 荆罕儒為團練使營州治更築城至乾隆三十二年知州王鎬
 字介農會稽人詳請重修程盛修記曰計經費九萬八千七百
 六十三兩有奇其臨淮阜通迎恩海甯諸額仍其舊
 今量得城周二萬一千五百二十四丈若照方城計每內容八
 方里五百零五畝八分三方丈二方步十一方尺

文百一 文九 文六 文四 文二

運河自城南西河嘴入 為南城濠 自掣鹽亭入 北注西門外 為西城濠 復北注為西浦 又北抵西壩新橋口 又東抵稅房耳門口 此西北城壕也

續前

運河過高橋 北注為東門外濠 又過迎春橋 東達鮑家壩 西北注北門 為東北城濠

注 宋寶慶丁亥陳煥擬開東西北外濠濬南濠明初修濬城濠計深一丈一尺廣五十二尺袤二千三百八十七丈五尺宋高祐元年北兵突至以濠深不敢向至今河道淤淺宜疏濬也

區劃 四廂 四鄉 [古蹟祠廟橋梁市鎮學堂附]

本境區劃 分為四鄉 曰東北鄉 曰永吉鄉 曰蒲津鄉

招賢鄉

東北鄉轄都六里四十五 一都十里 二都七里 三都九里 三十三都九里 三十五都一里 四都九里

秦州鄉土地理

四

永吉鄉轄都四里二十六 十三都八里 十四都三里 十六都八里 三十四都七里 蒲津鄉轄都五里十五 十七都三里 十九都一里 二十都一里 二十二都五里 二十三都五里 招賢鄉轄都四里四十一 五都十里 九都八里 上十都十里 下十都十三里

其城內別為四廂每廂一里有奇共六里 東廂

東廂在海甯門內 沿城為東市河 弔橋西北有劉猛將軍廟 再西曰萬壽宮 曰養濟院 已荒廢 曰守備署 曰武廟 偏南有靖海樓 文昌閣 學宮在焉 內設天職小學堂

注 劉猛將軍或曰劉琦或曰劉永忠元人授指揮使嘗操練驅龍元亡自沉於河

南廂

南廂在迎恩門內 有南薰橋 嘉定橋在其北 偏東有松林庵 儲文懿曾讀書於此 有古柏相傳為六朝時物 迤南曰南山寺 周公塔在其東 迤北曰育嬰堂 再北有義學馬

西廂

(兩等三十年張濟建中學二十九年侯紹瀛建張濟改良)

西廂在阜通門內 東曰經武橋 又東曰登仙橋 橋右曰斗姥宮 內設明智小學堂 泰山在其北下有安定祠中學設焉 有小西湖 水接西市河 又北為演武廳 折而東曰崇儒祠 曰先孝寺 曰儲公祠內設兩等小學堂

北廂

北廂在臨淮門內 有且樂橋焉 南至大甯橋 為商旅菌

泰州鄉土地理

集市屢鱗比之區 水門之南 有培英女小學 偏東有蘆洲 為馬氏別墅 迤東南曰州署 曰貢院 教育會假設於內 並附貧民學校焉 注 女學光緒三十二年設 教育會三十三年設

東北鄉

東北鄉在州治東北部 三十里至淤溪鎮有淤溪湖焉 四十里至包老湖 俱為魚鹽萃集之地 又沿運鹽河為楊公堤 明御史楊澄建 東北至武汴庄 與東臺交界 北與甯鄉鎮交界 注 包老湖即鮑湖水清而無滓黎壹氏嘗以此水供 商局楊公堤自泰至東臺長一百二十里

本區內商賈叢集 為南北通衢 近東壩有大通橋 北曰徐家橋 東壩之東有火星廟 即崇正間州守陳素所遷者 內設自東小學堂 又東曰覺正寺 前明建

注 陳素字澹仙桐鄉人崇正間知泰州舊有火星廟在州治而南經武橋右素以火德不宜居火位遷之北

永吉鄉

永吉鄉在州治東郡 六十里到姜堰鎮 泰州營分防汛駐馬 一百二十里到海安鎮 巡檢署在馬 自海安東九里界牌頭 東南至曹家庄 俱與如皋交界 東北至許家洋與東臺交界

續前

姜堰東曰馬溝 北曰官庄 西曰黃村 南曰陸家店 其汛界甚廣 東至如皋界牌 與狼山營交界 西至滕家壩與關箱汛交界 南至蔣埭 與泰興營交界 北至仇湖與東臺汛交界

本區內有東嶽廟 內設同育小學 及半日學堂 南有岱嶽寺 內設公立小學堂 天目山有雙井馬 為王治飛昇

泰州鄉土地理

之地 其上下兩行 米麥因集 商務頗興

續前

海安在州東百二十里 南北朝戍守處也 北界賁家集平東東南界力發橋 西界胡家集 鎮舊有鳳山書院 今設高等小學堂

本區內有鳳凰橋在蘇及徐家橋壩 宋齊以來 並為海安縣屬海陵郡 舊有土城周六里 地居如皋泰州之中 東可以控禦狼山通州海門之入 西可以捍衛揚州 因置巡司於此 見方輿紀要

蒲津鄉

蒲津鄉在州治東南部 東南至蔣埭庄 南至大河庄四十里俱與泰興交界 西南至沈家渡雙廟十八里與江都交界

本區內有自南及啟南小學堂 由南門行二十里至濟川河
濟川橋跨其上 濟川橋之西南曰寶帶橋 萬善橋在爭因
寺門外

自南門外十二里至寺港口又三里至廟灣鎮小鎮又十里至刁
家鋪又七里至口岸鎮大鎮市石首魚者皆至此販運
商船出入為總匯之區也又三里至龍岸口即江
口也

招賢鄉

招賢鄉在州治北部 北至凌亭閣七十二里與興化交界 東北
至塔墩五十里與東臺交界 西北至樊汭八十里與高郵江都交界
樊汭小紀港口甯鄉宗村諸鎮市 皆商務會萃之地 城北
破橋口有范公祠內設儀范小學堂
本區自州北三里至施家灣 魚鹽蠟稻 往來舟舶駢集焉

泰州鄉土地理

七

又北二里至魚行庄有廣濟橋 又直北至甯鄉鎮 巡檢署
在焉

趙公橋跨北河 其北有永甯寺即北天滋廟 招賢橋在北
山寺西 去州治三里 北山寺即古開化院也 有井曰卓
錫泉 唐王屋禪師駐錫於此 卓錫成泉 因名

泰州山阜

泰山

大江以北 維揚自通州狼山而西 故無山 泰之有泰山
非石也 其原起自宋建炎四年 岳忠武為通泰鎮撫使
兼知泰州 於城西門中 培土為高臺 以望金人軍 後
相傳遂名為泰山云

按山為一州之鎮高五丈周圍一百二十丈山與江陰
圖山相對圖山出雲泰山未嘗不見開州世說

續前

宋寶慶二年 州守陳垓浚山下為湖 為往來泊舟之次
祀胡瑗於山左 明萬曆十年 兵備副使舒大猷於山巔建
岳忠武廟 以忠武嘗知泰州 故特祀之

天目山

天目山州東四十五里土山也 上有雙井 相對如目 昔
王仙翁嘗隱於此 華陽陶隱居云 地鉢福地 在臨淮東
今天目山即其地 山高二丈三尺 周二百三十步 近則
居民占種 掘斷山脈 山與田平矣

注 王仙翁名伯東晉時人 宋胡昉天目山記云海陵塗泥賦西土薄蘆葦所聚無崇山峻嶺茂林修竹而
天目即聚土厚水甘迥異四隅宜松檜竹柳所以為福地也

鳳山

鳳山一名玉山 在海安鎮 高三丈 周百步 山前溪路

泰州鄉土地理

八

環繞 傍山為橋 由橋而入 蒼崖綠樹 境頗幽邃 山
巔舊有碧霞宮 鎮之人每望宮而禱 禱輒應 故從而靈
之 是碧霞宮記

羅浮山

羅浮山在州治西北五里 高一丈 周一里七十八步 在
藪澤中 不為洪水所漫

呂城山在州治東三十里 高一丈 周三百八十步 形如
城 相傳有呂姓居此 因名

駱駝嶺在州治西南 登仙橋北 平地隆起如駝背 為泰
州八景之一 昔置千戶所於其上 今已圮
泰州水道

城內中市河

橫貫州城南北者 謂之中市河 官運河水由南水門入 至北水門出 通西浦 明萬曆二十九年 都御史李三才重濬 今已淤塞 注 李三才字道甫號修吾臨潼人

城內玉帶河

東市河自中市河分析 至東水門出 以通外河 後東水門塞 復從東門內沿城新開一河 接通南北 其西市河從南水門入 通新河 皆從北水門出 名玉帶河 今已湮塞

按城內中市河淤塞已久倘能南北挑濬並玉帶河疏濬之使水勢環繞橫抱則城中形勢可復舊觀
注 宋史紹興十一年二月辛巳知秦州王瑛兼通秦二州制置使東西市河即王瑛所開

城內新河

繞光孝寺東 南接西湖 北出水門者 謂之新河 西原農圃 汲水溉田 兩岸居民 便於挹注 每夏秋之交

秦州鄉土地理

九

雨多潮漲 時通野航 此河開自宋嘉定間 今猶露其利焉 注 新河宋嘉定間李駿所開方洲記曰疏西南地千丈蜿蜒委蛇架天甯經武二橋舟駛車馳居者行者交以為便

西運河

西運河從揚州府東北十五里之茱萸灣來源 自灣而東經州西二十五里斗門鎮 前祖禹云三十里此從州志 又東至城南有運河壩 自壩而南為濟川河 又南三十里至秦興縣之廟灣 又二十里至濟川鎮通江 商船多由此入

注 漢吳王濞開非溝通運至海陵倉以地有茱萸村 因名此灣又名灣頭至濟川鎮由口岸港入江

南運河

秦州上河與江都接壤 淮水自沈家渡入秦州界 過高橋至滕家壩 一支由壩而南入江 是謂西運 一支由壩而東入海 是謂南運

南運過姜堰曲塘百六十里至海安 入如皋界 又東南百一十里至白蒲 入通州界 又東七十里至新寨 入海門界 又東八十里達呂四場 其支派通各鹽場

注 州志云南運河抵通州及各鹽場入於海又南運河在南門外淮水由六開入至沈家渡入境

北運河

下官運河水道 北注下游有三路 一自樊汭至凌亭閣北入興化境 一自小紀東至滷淋河 南經港口魚行市入韓家橋至板橋 為鹽船到泰過壩所 一由滷淋河東經楊公堤 至武汴庄邊城等處 入東臺境

九里溝

州城西九里 沈家渡東六里 有上九里溝 中九里溝 下九里溝 淮水由六開入 至沈家渡注於溝 溝有石涵

泰州鄉土地理

十

水自涵洞入者 繞西北隅 溝之兩岸 通入田間水道 農人以水車車水灌田 俗呼為坳子

注 九里溝石涵洞為西北下游春森庄十三庄公修 下河值大旱時惟有孔家涵一線來源不敷灌漑故必賴九里溝涵洞接濟

濟川河

注 濟川河有濟川橋今已頽壞俗呼南高橋濟川壩即滕家壩始於順治年間

南門外寶帶橋西南之水 從海子溝即海子溝也 至廟灣 復行二十里入濟川河 即南官河也 此水通口岸 入揚子江 最為上河水利 故兩岸田疇 素稱沃壤

淮水流域

淮水自孔家涵入州境所經之道

樊汭——小紀——滷淋河即浦江河一名海陵溪

淮流——淮水自興化凌亭閣入州境所經之道

泰州官河——董家潭——港口白——魚行

注 小池在城西四十五里宜寧潭在港口北三里港口在城北十八里舊名郭樂潭有前白後白直北過甯鄉鎮至凌亭間距興化境

下河水患

泰州下河 最患西水 從秦境及東臺興化高郵之下游北至鹽城 周圍數百里 惟以漕河迤東一堤為障蔽

近日漕河底高於下河數丈 淮水驟發 從白馬湖 邵伯

湖東入漕河 水勢浩大 恐堤潰決 故不得不開壩放水

即卑近昭關二壩 以鬆水執

道光六年 開昭關壩 不過三日 淹田禾甚速 下河被

水 必須從海口洩去 無如海濱沙灘日長 去海日遠

即啟海口各牖 亦不得暢流 故西水為下河之患最鉅也

東西二壩 鮑壩

東西壩前明時築 設無此二壩 則上河水洩 不足溉田

泰州即上七里

上

下河水滄 不能播種 是兩受其害矣 故築二壩以為防備

二壩今已永堵 故鮑家壩最為要緊 設有衝塌 則官運

河直衝下河 不獨近壩田禾被滄 而上河之水一洩更無

挹注 其患尤大也

按秦之地勢東南高而西北下東南田畝較下河祇十之二三淮水至不為災歲旱則小溝坳子及各涵洞不足以資灌溉故上河之水惟防其洩北門外東西二壩洪武年建立德閘開拓築壩商民稱便則以前東西壩可達下河蔡實之防其洩也又河渠攸云甯鄉北十餘里有興化所築長隄由興化至高郵百餘里正以防泰州東西二壩衝注之水今此堤全無遺址由東西壩既永堵此堤遂不修久湮沒矣

楊公堤

楊公堤即運鹽場之旱堰 自秦至東臺一百二十里 明成化七年 御史楊澄巡視

海上 因運鹽河堤 年久傾頽 商鹽阻滯 奏請築河堤

一道 興工於十五年二月 凡四月堤成

乾隆十八年王又樸 秦州分司 稟請鹽政普福商捐修築 再被水北

二十三年鹽政高恒重修 增築南堤六十餘里 開涵洞以

廣宣洩 蔣葦柳以禦風浪 設堡房以司巡守

嘉慶間十年十三年 淮水大至 衝齧殘缺 頽圯日甚 堤址蕩然

矣

按嘉慶十年後盛被水衝者漸東尚留遺址餘皆無存縱有田間町畦可資行役而絕流斷港跋涉維艱設遇洪水驟來則一望無涯害更莫測道光十五年分運朱公濬河曾有勸栽楊柳補堤詩列行今若仿兼挑之法築堤帶挖河槽則河深堤高不獨商旅稱便而附近田疇均有裨益云

斜豐港 道光三十年張之采築

自樊汭鎮北首起 轉折而東 至凌亭閣止 計十一段
長四十五里 又由樊汭南首起 上接三洋河計四段 長十五里 岸高一丈二尺 底寬三丈 頂寬一丈 名曰斜豐港
三洋河堤分築口門六處 在斜豐港堤內者四 曰沙子頭 曰楊景埭 曰直汀溝 曰魯汀溝 在三洋河堤內者二 曰南道遙 曰北道遙 隨時啟閉 以通舟楫而衛田疇 每屆歲修 責令正北東北西北三隅受益田畝 分段挑築

泰州鄉土地理

業食佃力 設遇大水 堵閉口門 由正東正西兩隅 按畝捐錢三十六文抵支經費

按光緒三十年張牧濬籌款二千餘串擇要興修並請查照前畝捐章程酌量變通稟奉批准令正北東北西北正東正西五隅受益各田一律減半每畝捐錢十八文正南九文約計有田五六十萬畝共可得錢一萬串除歸還前墊外其餘儘數留存以備各口門改建石關之用

治水急務

自黃河南徙 奪淮道 淮始不得安流 蓋黃河挾沙 扼淮之吭 日墊日高 淮道日縮 一遇盛漲 唯有潰決 奔匯於澤國 此下河受惠之遠因也
自黃河南徙 淮水豬於洪澤而不獲洩 自洪澤漲而南潰 奔匯於高寶白馬汜光諸湖 而泰州漕堤始有漲決之虞 此下河受惠之近因也 故今日治水急務 必先闢清口濬淮道 疏雲梯關海口

續前